

Er brucht nüt mache,  
as treu siner Art  
werde un wachse,  
wie 's Wetter au fahrt.  
E Vogel will fliege,  
e Baum, dä stoht fescht,  
ein brucht dr ander  
un jede git 's Bescht.

Wie d'Los au falle  
wie ungleich verteilt  
Sonne un Schatte,  
Was drischlecht au heilt.  
's cha ohni Winter  
kei Frühlig meh cho,  
's cha ohni Sterbe  
kei Lebe wohl bstoh.

Mensche dört unte  
vergesset drum nit,  
aß euch viel höher  
erscht 's Eigetlich lit  
ihr miens doch wachse,  
erspart blibts e keim,  
achtet uf d'Wiser  
so findener heim.